

ایکینجی سنہ

حزیران ۱۳۲۶

نومرو : ۱۶

علم حقوق

مُقَابِلِ قَوَائِدِ مَحْسُودِ عَمْرِی

ہرآی نشر اولنور

مؤسس و صاحبی

کرمیہ مہمونی : محمد عارف

محاکم صالحیه قانونی حقنده عدلیه نظارتی طرفندن تنظیم اولنان

اسباب موجبه لایحه سی [۱]

ممالک عثمانیه نك نفوس موجوده سی اراضینك وسعتیه متناسب اولمدیقى جهته قضا دائرملری اکثریا يك واسع اوله رق تشكیل ایدلمش اولدیغندن بر قضایه مربوط اولان قری اهلیدی مسائل واختلافات جزئییه ضمیمه بش آتی وبله سکنز اون ساعته لك مسافده مرکز قضایه گنجه واوراده بالضروره کونلرجه تعقیب مصلحته مجبور اوله رق ایشلرندن کوجارندن معطل قالمقه اولدقلری کبی بالفرض بر دعوی وکیلنه تودیع امور ایتمه لری حالته دخی اساس مسئله نك قطعاً تحمل ایدمه چکی اجرت ومصرف اختیارینه مجبور اوله رق متضرر اولمقه وباخصوص اصول محاکماتک ایجاب ایتدیردیکی مراسم وقواعد رعایت نتیجه سی اوله رق ایشلرک سرعتله حل وحسمی قابل اوله مدیغندن استحصال حق قضیه سی بر استقبال بعیده معطوف ومعلق بولنوب بوندن طولانی اهای قری چوق کره ترك مدعای ترجیح واختیارده مفطر قالمقه درلر . بو احوالک ایجابات طبیعه سندن اولمق اوزره ناسک بر قسمی ضیاع حقوق ایله متضررودیکر قسمی اجرا آت حکومتک تأثیراتندن پرواسر قالب درجه درجه حقوق ومطالبات جزئییه نك ضیاعی حقوق مهمه یه سرایت ایتش وبالحاصله اهل قری بیننده مال وملکک محفوظیت قانونیه سندن واستیفای حق امسکانشدن اعتماد وامنیت زائل وتغلب وتجبر حاکم اولمغه باشلامشدر . احوال مذکورده نك اصلاحیه اهلینک بر عدالت سربعه ومکمله یه مظهریتی رفاه عمومینک ضمان اساسیسی اولدیغندن بو احوالک اصلاحنه عائد تدابیر فعلیه سندن اوله رق قضاالده صلح محکمه لری تأسیسی مناسب مطالعه

اولنمش و اولیاده تنظیم ایدیالان (۹۲) ماده‌نی محتوی قانون لایحه‌سی مربوطاً عرض و تقدیم قلنمشد.

لایحه مذکور مک مطالعه‌سندن کیفیت منفهم اوله جنی اوزره اشبو صالح محکمه‌لرینک تأسیسی فیکرنده ایکی شی نظر دفته آلمشدرکه اوده اهلینک تحری عدالت ضمنتده مسافات بیده قطعه محتاج اولمقسزین عدالته دسترس اولسی و تکلیفات زائده اختیار ایتمکسزین حقنه ظفر بولمسیدر . بونک ایچون صالح محکمه‌لری سیار اوله رق تأسیس اولنوب ناحیه مرکز لرنده و عندالاقضا مناسب قریه لده اجرای محاکمه ایدره اعطای حکمه مأذونیت ویرلش و بویله جه عدالت طالب حق و عدل اولانله تقریب ایدلمشدر .

شو تشکیلاتک تطبیقی حالنده قرا اهلایسی اوفق تفک دعوالر ایچون قضا مرکز لرینه قدر شد رحل ایتمکدن قورنلش اوله جقلری کی مصارف محاکمه‌نک اوفق دعوالره نسبة یوکسلکی و ابتداء ربع خرج آلمق اصولی فقرانک استحصال حق طریقته توسلدن عجزینی موجب اوله کلدیکی تجربه ثابت اولمغله بر سهولت زائده قییلندن اوله رق صالح حاکماری حضورنده اقامه اولنه حق دعاوینک هم مصارف محاکمه‌سی تقلیل ایدلمش همده مبادی دعواده معجلاً ربع خرج آلمق اصولی رفع اولنمشدر .

قانون مذکور لایحه‌سی بر مقدمه ایله آلتی فصلی و بر فصل مخصوصی محتوی اولوب مقدمه‌سی آلف العرض حاکمک سیار اوله رق تأسیسه و صورت نصب و عزلنه و برنجی ایکنجی فصللری دخی حقوق جزا اعتباریله رؤیسه مأذون اولدقلری دعاوینک تعیین نوع و درجه‌سنه ودها طوغریبی و وظیفه‌لرینه متدائر در .

لایحه مذکوریه تنظیمه مأمور اولان قومیسبونده الکزیاذه داعی مناقشات و مذاکرات اولان مسئله صالح حاکمک لرینک ماهیت دعوی اعتباریله وظیفه‌لرینک تعیینی کیفیت اولمش و بوخصوصده یک چوق مطالعات مختلفه ایراد ایدلمشدر . قومیسبون هیئتندن بر قسمی صالح حاکمک لرینک وظیفه‌سنی نهایت بیک بش یوز غروشلق و دیگر قسمی ایکی بیک بش یوز غروشلق دعاویه حصر ایتمک و بر قسم

بومقداری درجه قطبیه ده بوندن یوقاری بش بیک غروشه قدر اولان دعاوی بی قابل استیناف اولمق اوزره رؤیت ایتدیرمک فکر و مطالعه سنده بولنش ایه ده محاکم مذکوره نیک تشکیکندن مقصد بین الناس کثیر الوقوع اولان دعاوی جزائییه ایچون مصرف و کلفت زائده اختیارینه مجبور ایتمکسزین احتقاق حقّه مظهر ایتمکدن عبارت اولدیغنه و بیک بش یوز غروشلق دعاویه حصر وظیفه حالنده کثیر الوقوع اولان بر قسم دعاوی ایچون ینه اختیار کلفت محذوری موجود بولدیغنه علی الاطلاق ذمه و اموال غیر منقولیه متعلق اوله رق رأس المالی و یا قیمتی ایکی بیک بش یوز غروشلق دعوالرک صالح حاکمری حضورنده درجه قطبیه ده رؤیت ایتدیرلمسی و بوندن یوقاری بش بیک غروشلق دعوالر محاکم مذکوره یه تودبع اولنسه قابل استیناف اولمق لازم کلوب حالبوکه اصول محاکمه جه بدایت محکمه لرینک رؤیت ایتدیکی بش بیک غروشه قدر اولان دعوالر ذاتاً قابل استیناف دکل ایکن محکمه لرک تبدل نوع و شکلیله دعوالرک درجه سی تبدل ایتک کی بر تناقضی انتاج ایده چی و باخصوص دعاوی مذکوره نیک صالح حاکمرینه تودیعی محاکم صالحیه نیک تکثیر معاملاتنی موجب اوله رق امر محاکمات و مرافعاتده تدقیقات کامله قانونیه یه مانعه تشکیل ایلیه چی ملاحظه قلندیغندن ایکی بیک بش یوز غروشی تجاوز ایدن دعوالرک صالح محکمه لرینه تودیغندن صرف نظر اولمق صورتی قبول اولمشدر .

شو قدر که بومقداره اقامه ایدیان دعاویه مقابله حادث اولان عین مقدارده کی دعاوی متقابله نی دخی رؤیت ایتسی مساوات طرفینی و مقتضیات حق تأمیناً لازمه دن کورلمش اولدیگی کی برأس المالی ایکی بیک بش یوز غروش اولان بر دعوانک ضرر و زیانی و فائضی هر نه مقدارده بالغ اولسه دخی بونلرک یکدیگرندن تفریق موافق مصلحت اوله میه جفتدن صلیح حاکمرینک رؤیتیه صلاحیتدار اولسی تنسیب ایدلشدنر . انجق مدعینک اقامه ایده چی ایکی بیک بش یوز غروشلق و یا دهادون بر دعاویه مقابل مدعی علیه طرفندن ایکی بیک بش یوز غروش متجاوز بر دعوی درمیان ایدلدیکی تقدیرده بونک رؤیتی اساساً صالح حاکمک دائره صلاحیتدن خارج بر اقلمش ایه ده دعاوی مذکوره یا صحیحاً بر حقک وجودینه

قناعتله و یا خود محضاً مدعی بی دوچار کلفت و ضرر ایتک قصدیه اقامه ایدلمسی
محتمل اولوب محاکمه نك طرز جریانندن دعوی مذکور نك صلاحیت محکمه بی
تبدیل قصدیه تصنیع ایدلمش اولمسی احتمالنك اظهاری حالنده حاکم مدعی
علیهک ضمیمه سته مربوط و مقید قالمش اولماق اوزره دعوی اصلیه بی رؤیتده
دوام ایتک و بالعکس دعوی متقابله بی جدی و اساسی کوردیکی تقدیرده طرفینی
محکمه عانده سته سوق ایلمک خصوصنده مخیر بر اقمشدیر .

برده ایجار عقار نظامنامه سی موجبجه بدایت محکمه سی رئیس لرینک تخلیه
مأجوره متعلق اولان صلاحیتی که اساساً محاکمه محتاج اولمق کلفتندن وارسته در .
بوصلاحیت بلاقید و شرط صالح حاکم لرینه تودیع اولمش و طشره لرده اموال
غیرمنقولیه متعلق نزع یدمسائی اکثر الوقوع اولمق و فصل و رؤیتی ساده لاک
و سرعته الکزیاده محتاج بولمقدنشائی غیر منقولات اوزرنده یدک محفوظیتی و
حقوق ناسک توثیق و تأمین ایچون اعاده ید دعوالری دخی صالح حاکمه
تودیع ایدلمشدیر .

بومیانده صالح حاکم لری رؤیتله مکلف اولدق لری دعاویده اصول محاکمه
حقوقیه نك قواعد مخصوصه سته توفیقاً اموال منقوله و غیرمنقوله اوزرینه حجز
احتیاطی وضعنه صلاحیتدار ایدلدکلری کی اکثریائنی محاکمه منازع فیهک
یدآخره نقل ایدلمسی و یا قاجیرلمسی کی معاملات ایله بر طرفک حقوقی ابطال
ایدیه کلمکده و بعض کرده مجرد محاکمه نتیجه سته قدر منازع فیهک منافع
حاصله سندن استفاده مقصدیه دعوی سوروندیرلمکده اولدیغندن صالح حاکمک
لدی الایجاب حقوقی طرفینی و قایه منازع فیهک و حتی منافع حاصله سنک دخی
- حجزینه حائز اقدار و صلاحیت اولمسی مناسب کورلمشدیر .

مسائل جزائیه دن دخی علی الاطلاق قباحت دعوالریله قریه لرده و قوعبولان
عادی سرقتله و اضرار ماله متعلق جنبه دعوالرینک حق قضایی صالح حاکم لرینه
تودیع اولمش ایسه ده بوخصوص یالکیز قریه حصر اولوب قصبه لر دروننده
و قوعبولان جنبه موادی کافی السابق محاکم جزائیه نك دائره صلاحیتده
بر اقمشدیر .

صلح حا کملرینک تعقیب ایدہ جکری اصول محاکمہ کلنجه قانون مذکورک فصل نائی تشکیل ایدن بوخصوص اصول محاکمہ حاضرہ نک دهاساده و بسیط برطرزه قلب ایدلسندن وحق و حقیقته وصول ایچسون بعض قواعد عدلیه علاوه سندن عبارتدرکه حکامی ممکن اولدینی درجده حکم قانونه رعایتہ مجبور قبله حق و صادر اولان مقررانک احکام قانونیه به تمامی مطابقتی تأمین ایلده جک قیود و شروطی احتوا ایتسنه و مقررات مذکورہ مک تمیزاً تدقیقی تسهیل ایلده جک شکل و ماهیتده بولنسنه یک زیاده اعتنا ایدمش و بالخاصه معاملات و محاکماتک و ثوقه و سهولت تدقیقه خادم اوله جق صورتده تنظیمی مقتضی ضبطنامه لر و سائر اوراقک شکل مقررنی متضمن نمونه لر و صکار علاوه اولنشدن .

فصل مذکورک ایلک ماده سی دعاوینک تعیین مرجعنه متعلق اولوب شمندی به قدر نشر اولنان و ایوم مرعی بولنان بالجمله اصول محاکماتده بر قاعده مضبوطه و قطعیه تحتہ آله میهرق انواع تفسیرات و اجتهادی موجب اولان و صور مختلفه ده تطبیقاته معروض اولمق حسبیلہ حکم قانونک مرعیت مطرده سی قاعده سنک خللدار اولسنه باعث اولان بومسئله یک زیاده بردقت و بصیرتله قلمه الخش و فیما بعد مختلف تأویلات و تفسیراته میدان براقبه جق بروض و قطعی محتوی بولنمش اولدینی کبی بالخاصه اموال غیر منقولہ یه متعلق اولان دعاویده اکثریا مدعی هک کشف و معاينه سنه احتیاج حاصل اوله جفته و قبول و ترجیح بیناته متعلق اولان احکام مخصوصه نک تعیین و ثوق و صحتی و تسهیل تدقیقاتی و سندات تصرفله مدعاہک تطبیقاتی انحق ملکہ حاکم بولنان محکمه طرفندن قابل ایفا بولنه جفته بودعوانک محاکم سائرہ یه تودیبی قانوناً مطلوب اولان صحت حکمی تأمینہ کافی اوله میه جفته مبنی دعاوی مذکورہ ملکک حاکم طبیعیسنک دائره صلاحیتنه براقلمه سی تنسیب اولنشدن .

دعوانک صورت اقامه سنه کلنجه صالح حا کملری نواحی و قراده تشکیل محاکمہ ایلہ اجرای حکمه مأذون اولمق و بولنرک تأسیسندن مقصد افراد اہالینک کلفت و متاعیدن تخلیص بولنمق حسبیلہ نواحی و قراده شرائط قانونیه دائره سنده صحت دعوائی محتوی عرض حال تحریرینه مقتدر کاتب الدہ ایتک ممکن اوله میه .

جفته و عرض حال تحریر استیذیرمك اوزره ارباب دعوانك قضاصر كز لرینه عزیمته
مجبور طو تلمسی منی مطلوب اولان كلفتی مع زیاده احداث ایتك دیمك اوله جفته
مبنی صالح محكمه لری حضورنده عرض حال اعطاسیله اقامه دعوی اصولی رفع
اولمش و بوكا مقابل حضور حاكمه عزیمتله شفاهاً اقامه دعوی ایدلمسی و اساس
دعوائی و صور ثبوتیه بی متضمن بر ضبط نامه تنظیم اولنسی قاعده سی وضع
ایدلمشدر. شوقدر كه عرض حالك حصونك رفتندن طولانی حاكم نزدنده عرض حال
قیدینه مخصوص دفتر موجود اوله میه جفتندن بو سببیه ملحوظ اولان سوء استعمالاته
محل قالماق اوزره اقامه ضبط اولنان هر دعوا ایچون مدعی به بر اقامه دعوی
علم و خبری اعطاسی اصولی قبول اولمشدر.

صورت اقامه دعوا ده ارباب حقوقندن هیچ بر کیسه نك مدعی به بر معاونت
فعلیه ده بولنه جنی ملحوظ اولدیغندن و قری اها لیسى تحت دعوا ده و تصور
ثبوتیه مسائله بالطبع جاهل اولمق حسبیه دعواى مجرده نك كندیلرینه بر
حق تأمین ایده میه جگنی و بر طساق اشخاصك كندی لهرینه شهادتی مقبول
اوله میه جگنی بیله میرك بهوده دعوی ایله كرفتار متاعب اولمق و یا غیر مقبول
شهود اقامه سیله بلا لزم خرج و مصارفه دوچار اولمق احتماله مبنی حاكم دعوانك
ضبطی دائره صحته تنظیم ایتكله برابر صور ثبوتیه مسئله سنده بجه احكام
عدلیه نك قبول شهادته مانع كوردیكى احوالی مدعی به اخطار ایتك و اسباب
ثبوتیه نك فقدانی حالده مدعی علیه یمین تكلیفندن باشقه بر حق اوله میه جگنی
خبر و یرمك صورتیه و سائل تكلیفات بهوده نك رفعتنه اهتم ایتسی مناسب كورلمشدر.
ضبط دعوانك تنظیمندن صوكره مدعی علیه ك خصوصی بر دعوتیه
ورقه سیله نزد حاكمه جلب ایدلمسندن ایسه ضبط نامه صورتنك كندیسنه تبلیغیه
دعوتی ایجاب حاله ده موافق كورلمش و چونكه ضبط نامه مندر جانندن اسباب
دعوت نهدن عبارت اولدیفی آكلا شامقله برابر ماهیت دعوی حقنده دخی
پیدای و قوف اولنهرق مقابله در میان ایدیه لك مدافعات و اسباب ثبوتیه
بالتبیه نزد حاكمه كئلمسی تسهیل مصلحته كلی خدمت ایده جکی طبیعی بولمش
اولمغه بوكا متعلق اولان ماده اول وجه ایله قاعه آلمش و تبایغ کیفیتك

ذاتنه و بولنه مدینه تقدیرده افراد عالیه سینه حصری وامضادن و یا تبلیغاتی قبولدن استنکاف و امتناع حالنده ضبطنامه نك بر صورتی اقامتگاهنك قپوسنه یابشدیر یله رق بر ضبط ورقه سی تنظیم ایدلمسی اصول اتخاذا اولنوب امر تبلیغده ماحوظ اولان تشوشك از له سیله ساده و بسیط بر حاله افرانغه چالیشمایدیر . مدعی عایمك نزد حاکمه ورودنده دخی تنظیم اولنه حق دفع دعوی ضبطنامه سی عینله دعوی ضبطنامه سینه ثمانل اوله رق تنظیم اولنق و قانونه عدم وقوفندن نشأت ایدن تکلیفات و مصارفه میدان و بر میه جك طرزده حاکم طرفندن اخطارات و وصایا ایضا قلمنق حقوق طرفینه رعایت متساویه و سلامت معامله اعتباریله لازمیدن کورلمشدر .

دعوی و دفع دعوی ضبطلرینك تنظیمندن وادعا و مدافعاتك ماهیتی حقنده حاکمه معلومات کافیّه حصولدن سوکره امر محاکمه به شروعندن اقدم حاکمه بر وظیفه مهمه تودیع اولنمشدر که اوده طرفینی صاحباً تسویه مصاحته سوق و ترغیدیر . فی الحقیقه بر دعوی نه مرتبه موفقیت و نه قدر سرعت و سهولتله ختام پذیر اولورسه اولسون طرفینك از جوق مزاحم دعوا دن متأثر و بلکه ده متضرر اولملری طبیعی اولوب حال بوکه ادعا و مدافعه به پیدای اطسلاع ایدن حاکم طرفینی قولایقله صلاحه اماله ایده بیللمسی ممکن اوله جفته و صلحك حصولی حالنده برکونا تکلیفات قانونیه به حاجت اولمقسرین طرفین کنندی رضالریله مطالب مخصوصه لرینه واصل اولمش و بادی ممنونیتاری اوله جق نتایجی استحصال ایلمش بولنه جقلرینه مبنی امر محاکمه به متقدم اوله رق حاکمك اول امرده طرفینی صاحبه ترغیب ایللمسی باشلیجه وظائفندن عد ایدلمش و بونك حسن ایفاسی هم بالا کلفت احقاق حق اولنمنسه هم ده ناسك شدتله محتاج اولدینی حسن معاشرتك ناییدینه خدمت دیمك اوله جفی طبیعی بولنمشدر .

حضور حاکمه صاح و وقوعنده صالح نامه نك حاکم طرفندن شرائط قانونیه دائره سنده تنظیم و تصدیق ایدلمسی و تصدیق ایدیلان صالح نامه نك برکونا طریق قانونیه غیر تابع اعلامات قطعیّه مقامنده قبول اولنسی بو موادك جمله احکامندن در .

صلاحه عدم موفقیت حالنده محاکمه به شروع اولمقی اقتضا ایدوب بونده
ایسه طرفینک بیناتی نظر دفته آلمق لازمهدن اولدیفنه وهر دعواده و باخصوص
قراده بینات تحریری موجود اولمیه جفته مبنی اوراق وسنداته مستند اولمیان
دعاویده طرفینک اقامه ایدلکری شاهدلرک محکمه به صورت جلب ودعوتی
خیلیجه مذاکرات ومباحثاتی استاج ایدلشدن .

احکام اساسیه مزده شاهدک حاکم طرفندن جای قاعده سی موجود اولمیبوب
طرفین شاهدلرینی استصحاب ایله حضور حاکمه کللری طرزی قبول ایدلش
وبوده شهادتک فرض اولسنه مبنی فضیلت وصفوت اخلاقیه نک حاکم اولدینی ازمنه
اولیه اسلامیه ده یک طبیعی بولنش ایسه ده حکومتک حاکم کویاره وارنجیه به
قدر تشمیلله مکلف اولدینی حق مراقبه نک زمان زمان ایفا ایدلمه مسندن ناشی
هر طرفده درجه درجه نفوذداران ومتغلبه یتشمش اولغله شاهدلرک یاخوفاً
ویا منفعةً ویاخود بولنردن هیچ بریسی اولسه بیله بیهوده کلفت تحملندن
احترماً دعوت طرفینه اجابت ایتهملری ملحوظ اوله رق بوده ضیاع حقوقه
منجر اوله جفی درکار بولنسنه مبنی مذاکرات مباحثه نتیجه سنده لایحه مذکوره ده
عین اساس ایفا ایدلش اولقله برابر لدی الاقتضا طوغری دن طوغری به حاکم
طرفندن جلب ایدملری قاعده سی دخی وضع ایدلشدن .

واقعا دعوت اجابت ایتیمان شاهد حقیقه امر حاکمه رعایتسزلکدن وقانونه
اطاعتسزلکدن ناشی حکم اولنه حق جزای نقدی به نظراً شاهدک حضور حاکمه
احضار واجباری شهادتک مجبوری الایفا اولمسی قاعده سنک قبولی دیمک اولوب
بو حال احکام اساسیه مزه بر درجه میان کبی کورونمکده ایسه ده حقیقته
احکام مذکوره به تمامیه موافق اولوب زیرا حقوق ناسده شهادت شرعاً فرض
کفایه اولمق حسیله اداسی ده فرض اولدیفنه وادادن اباء وجوبی ترک ایله مبنی
عنهی اختیار معناسنده بولن دیفنه مبنی حاکمک شاهده اجباری ادای واجبه
اجباری دیمک اوله رق صیانه عن الاثم مشروع عد ایدیله جکی طبیعی بولنش
وصلا بت دینه دن ناشی مقدملری تأسیسنه لزوم حس ایدلمیان بو خصوصک
اخلاق عمومیه نک حال حاضرینه نظراً قبولی ضروری عد ایدلشدن .

برده بو میاند شهودك تزكیه وعدم تزكیه سی کیفیتی بك چوق مباحثانی موجب اولوب فی الحقیقه امام اعظم حضرتلری نزدنده طعن ایله مقید اولان تزكیه یه امام ابی یوسف و محمد حضرتلری نزدنده بلا قید و شرط لزوم کوسرلمش و محله جمیع نتیجه امادین قوی قبول ایدلمش ایسه ده كرك امام اعظم و كرك امامین حضرتلر تك تزكیه شهوده متقدم اوله رق شهادت ایچون وضع ایلدکاری شرائط و احکام بك زیاده دقت و حکمتله مرتب اولدینی حالده تغیر زمان ایله اخلاق ناسه طاری اولان فساددن ناشی شروط و قیود مطلوبه یی حائز الیوم فرد واحد شاهد بولمسی متعذر و شاهدك عدالتله انصافك بالتزكیه ثبوتی دخی متعسر اولمش و شمدی یه قدر حق و عدله وصول امرنده تزكیه دن جدی بر فائده کور یله ممش اولمغله حاکمك حقیقته اطلاع ایله نخبه عدالتله وصولی تأمین ایچون بشقه و سائط تحریسی لازمهدن عدایدلمشدر . معلومدرکه امر محاکمه ده حقیقته اطلاع مدعیات و مدافعات و افادات و شهادت مختلفه نك یکدیگر یله مقابله و مقایسه سندن و طرفینك مسکوت عنه بر اقدقلری و یا تغیر و یا تحریف ایلدکاری و قایع و حادثاتی اخطار ایله یکدیگر یی استجواب ایلمسندن و هم و غیر موضح اولان نقاطك حاکم طرفندن استبضاح و استفسار ایدلمسندن حاصل اوله بیلوب مدقق و لیاقتلی بر حاکم حضورنده اختیار کذب ایتمك همان خارج ازامکان عد اولنه بیله جکسندن حاکمی شهودك یکنسق افاده سنه مربوط و محکوم قیامقدن ایسه تدقیق مسئله امرنده کی صلاحیتی ده زیاده توسع ایدره ك شاهده لایق و جهله استجواب و حقیقتی ظاهره اخراج مساعده بر حال و موقعده بولندیر مق مصلحت ناسه اوفق کورلمش و تزكیه مسئله سنه کلنجه بو طرز استجوابدن حقیقت حاله پیدای وقوف اولنق صورتیله شهادتک صحت و عدم صحتی نظاهر ایده جکی طبیعی اولدیفنه کوره بوکا اساساً احتیاج قالمش اولمغله برابر امام اعظم و امامین حضرتلرینك بروجه معروض قول و اجتہادلرینه مخالف اوله رق مجتهدین عظامدن امام مالک حضرتلری دخی تزكیه شهوده لزوم کور میوب بونی تقدیر محاکمه بر اقص اولدیفندن بو مسئله ده امام مشار الیه حضرتلرینك قول و اجتہادینه اتباع ایدلمشدر .

بوقیلدن اوله رق لایحه مذکوره ده بعد الشهاده حاکم طرفندن عین و یردیرلمسی

اصولی دخی تأسیس ایدلمشدر . فی الحقیقه لفظ شہادتہ یمین معناسی مندماج ایسہدہ ناسک معنای گمہدہ کی جہل وغفلتی نتیجہ سی اولارق یمینسز شہادتی خفیف و ضررسز کورمک ذہابندہ بولنہ جقلری احتمالہ مبنی مجاہہ جمعیتجہ خصمک طلی اوزرینہ یمین تکلیفی ذاتاً قبول ایداش فقط شہادتک مطلقاً یمین ایہہ توثیق ایدیلہ جکی محقق اولدیغک تیقنی حائلہ شاہدرک کذب اوزرینہ شہادتدن منع نفس ایتمری ملاحظہ سی دہا قوی بولنش اولدیغندن بو مسئلہ دخی اولوجہلہ ترتیب اولنشدر .

طرفینک محکمہ بہ صورت ورودینہ کلنجہ بونلرک وکیل معرفتہ رؤیت دعوی ایتدیرہ بیلملری صلاحیتی احکام اساسیہ من اعتباریلہ غیر قابل تحدید اولوب شوقدرکہ صلح محکمہ لری تأسیسنندن مقصد سادہ و بسیط بر اصول ایہہ مصرفسز و کلفتسز حقہ وصولدن عبارت اولدیغہ نظراً اجرتہ وکیل اقامہ سی مقصد مذکورہ مخالف اولدینی کبی برطرفک ارباب ثروتدن اولمی . حسیدیلہ اقامہ ایدہ جکی بردعوی وکیلنہ قارشی دیگر طرفک فقرحال اصحابندن اولہرق دعوی وکیلی اقامہ سنہ قدرتیاب اولہمامسی ممکن و بو تقدیردہ طرفیندن برینک دقایق قانونیہ و قوف ایہہ نماز اولسنہ مقابل دیگرینک احکام قانونیہ و دقایق علمیہ دن بہرہ سز لکی طرفین بیندہ حصول مساواتہ مخالف اولہرق بہمہ حال ضعفانک اضاعۃ حقوقہ منجر اولہجنی ملاحظہ قلنمش اولغلہ بوکا محل قلاماق اوزرہ کوندریلہ جک وکیللرک قریہدہ مقیم طرفینک اقربا و احباسندن اولمی و بلا اجرت وکالت ایلمی شرط ایدلمشدر .

امر محاکمہدہ اصول مواجہہ و طرفینک حاکم واسطہ سیلہ یکدیگری ویا یکدیگریک شہادتری استجواب ایتمک و بوضورتلہ ظہور حق و حقیقتہ خادم اولہجق و سائط استعمال ایدلمک طرزی قبول ایدلمشدر .

طرفینک ادعا و مدافعانک استماعندن و سندات و یناتنک تدقیقندن صکرہ اتخاذی لازم کان حکم و قرار مسئلہ سی تاریخ تکامل عدلیزہدہ مهم بر انقلاب و تجدیدی محتویدر . تشکیلات عدلیہ دنبری ناسک اک بیوک واک حقی زمین شکایاتی تشکیل ایدن کیفیت دعاوینک بیتمز توکنمز مراسم و طریق قانونیہ بہ

تابع اوله‌رق لایقطع سنه‌لرجه سورونمسی و نتیجه حقه وصوله بلمکده بر عمرک کفایت ایتمه‌مسیدر . قرار قرینه‌لرک تابع استیناف و تمیز اولمسندن و کندی قرارلرینک تعیین نوع و ماهیتنه محکمه‌لرک حاکم بولنمسندن نشأت ایدن بوحاله قرار قرینه‌لرک تادیت استینافیه و تمیزیه‌سنک رفعلیه بدرجه‌یه قدر نهایت ویرمک ایستلمش ایهده بر محکمه‌ده دردست رؤیت اولان دعوائی تعویق و تطویل ایچون اوقدر مدافعات ابتدائیه و اعتراضات متقدمه و مسائل سائره احداث و درمیان اولنه‌بیلیمکده‌درک بونلرک هربررسی حقنده آیری آیری قرارلر اتخاذینه مجبورت نتیجه‌سی اوله‌رق دعوی هر حالده اسکیمی قدر دکلسه بیله یتنه خبی وقت سوروندیرلمکده و استحصال حق ایچون وسائط عدلیه‌یه مراجعت احتیاجنده بولنانلری جدأ بیزار ایلمکده‌در . باخصوص انواع مدافعات و مدعیاته قارشى اتخاذ اولسان انواع مقررات ایله یک زیاده اوزایوب کین ضبطنامه‌نک بحق تدقیقله نیجه صحیفه‌لره بالغ اولان مناقشات بیسود دور و دراز آرمسندن نخبه حق و حقیقتی کشف و تخمین ایده‌رک برقرار قطعی مصیبه ایصال کیفیت اولنمی حکام ایچون دخی خبی مشکلاتی و بلمکده عدم امکانی بادی اولمقده‌در . بناءً علیه بوحاله جدی و قطعی بر نتیجه ویرلمسی تکملات عدلیه نقطه نظرندن غایله لازم و مهم کورلمش و اصول محاکمات حقوقیه‌نک تعدیلنده دخی نظر دفته آلتقی اوزره صلح حاکمی حضورنده دردست رؤیت اولان بر دعواده طرفین هر نه‌درلو مدافعات و مدعیات مختلفه درمیان ایتک ایستیرلر سه‌ه‌سنی صره ایله بر درمیان ایتلری و حاکمک دخی نتیجه حکمده بونلر حقنده بردن اتخاذ قرار ایلمسی اصولی قبول و سنه‌لرجه تمید دعوائیه سبیت ویرن بر کیفیت زائده‌یه بوضورتله بر مقدمه خاتمه تشکیل ایدلمشدر .

واقعا اساس دعوایه دخول احتیاجنی رفع ایدن مرور زمان ادعاسنک وجودی بومستلده بادی مشکلات اوله‌بیلیمسی ملحوظ ایهده بر کره بو حق محافظه ایدلدکن-ن صوکره جهسات سائرهنه کیریشمک ایچون بر مانع تصور اولنه‌میه‌جنی کی ذاتاً مرور زمان ادعاسنک مسائل ابتدائیه‌دن اولمسی مختلف فیه بر مسئله اولدیغندن ادعای مذکورک مسائل ابتدائیه‌دن عد اولنماسبله دخی مشکلات ملحوظه بر طرف ایدلمش اولور .

انجق قرار نقطہ سندہ ضرر روزیان دعواسیلہ اہل خبرہ تدقیقاتی و یا کشف
اجراسنی مستلزم اولان مسائل بالطبع مستثنا طو تلمش اولوب زیرا ضرر روزیان
ادعاسنک اساساً لزوم نہ قرار وریمد کدن سو کرہ تعیین ضرر کیفیتی قابل اولہ میہ جفی
کبی بعض مسائلدہ دخی حاکم قرار ی ہمہ حال اہل وقوفک تدقیقاتہ و یا منازع فیہک
کشفنہ محتاج اولہ جغندن بو کی مسائلدہ ایکی قرار اتخاذی ضرورت ایجابندن بولمشدہر.
اموال غیر منقولہ دہ اعادہ ید مسئلہ سنک صورت حکمی دخی غایت مهم
مباحثاتہ و مناظراتی موجب اولمشدہر . بو مسئلہ دہ مختلف و فقط یکدیگری نہ
مقارب ایکی اساس موجود در کہ بونلردن بریسی مجملہ احکام عدلیہ نک و دیگری
اورو یا قوانین مدنیہ سنک قبول ایتدیکی اساس وقاعدہ در . اورو یا قوانین مدنیہ سی
نقطہ نظرندن اعادہ ید مسئلہ سی ہیچ بر کیمسہ نک بالذات احقاق حقہ تشبہ
ایتماسی فکرینک نتیجہ سی اولوب لا اقل برسنہ بالامانع و لامعارض و بر اذن
واجازتہ غیر مستند اولہ رق عقاری یدندہ بولندیرن شخصک یدی ازالہ اولتمش
اولدینی تقدیردہ ازالہ ید تاریخندن اعتباراً برسنہ مرور ایتماش اولمق شرطلہ
حاکمہ مراجعتندہ عقار اوزرنده کی ید حادث رفع ید مقدم ابقا اولور و ذی الیدلک
دعواسیلہ ملکیت دعواسی جمع اولنہ محبوب بر شخص ذی البد اولمق اوزرہ
حرکت ایتدیکہ ملکیت دعواسی اقامہ سنہ غیر صالح و بدک رفعنہ حکم اولوندینی
تقدیردہ رفع ید قضیہ سی حاصل اولمدقہ واضع الیدک ملکیت دعواسی غیر مقبولدر.
شو تقدیردہ اورو یا قوانین مدنیہ سی اعادہ ید صورتیلہ ملکیت و تصرف مسئلہ سندہ
کلفت دعوائی و کلفت بینہ یی خارجه حصر ایتمش اولدینی کی ذی الیدک ثبوت یدی
طبیعہ دلیل ملکیت اولمق حسبیلہ فضلہ اولہ رق ذی الید طرفندن ملکیت دعواسی اقامہ سی
بی لزوم و غیر مقبول عدایتشدہر . بوندن بشقہ بر قائدہ دہاملاحظہ اولمشدہر کہ اودہ
ملکیت دعواسنک تمادی ایتدیکی زمان ظرفندہ خارج اولان مدعی عقارک منافع
حاصلہ سی حجز ایدہ یلمک شرائط قانونیہ سی حائز اولمدقہ منافع مذکورہ نک
ذی البدہ عائد قالسنک تأمینندن وید حادثک دعوا دہ مرور ایدہ جک زماندن
بالاستفادہ او منافع حاصلہ دن تمتع و انتفاعنک منعندن عبارتدر .
مجلہ احکام عدلیہ اعتباریلہ ذی الیدلکک اہمیتی اول امردہ توجہ خصوصت

نقطه نظرندن اولوب عقاراته متعلق اولان دعاویده خصم انجق ذی الیدر .
 درجه نانیه‌ده یدک ثبوتندن صوکره کلفت بینه خارجه توجه ایدرکه اوروپا
 قوانین مدنیسیله عثمانی قانون مدنیسی بو نقطه‌ده متحددر . بناءً علیه ذی الید
 اولان شخص کړک مدعی وکړک مدعی علیه اولسون بالینه اثبات تملک وتصرفه
 مجبور اولمقسنزین ثبوت دلیل ملکیت عد اولنه‌رق خارج اقامه بینه‌دن عاجز
 قالدقه ملک کنديسنه حکم اولنور . شوقدرکه مجله احکام عدلیه ذی الیدی
 اقامه دعوی تملکنی غیر مقبول عد ایتش اولیوب عقارک ذی الیدی هروقت
 ادعای ملکیت وتصرفه منع معارضه دعواسی اقامه‌سنه صادر . قالدی که مجله
 احکام عدلیه عقارک منافع حاصله‌سنی نظر اعتنایه آلامش وانجق توجه خصومت
 وتحمیل کلفت بینه‌نی اساس اتخاذ ایتش بولندینی ایچون بر دعواده ذی الیدلک
 ثبوتی تملک وتصرف دعوی اساسینک نتیجه قطعی حکمه اقراندن اول
 اعاده ید حکمی مستلزم اولمديغندن یدک ثبوتندن صوکره دخی سه‌لرجه تمادی
 ایده بیان محاکمه‌ده ملکیت وتصرف دعواسی قرار قطعی به مقارن اولونجه
 وبو قرار استیناف وتیمیز طریق قانونیلرندن مرور ایدرک کسب قطعیت ایدنجه
 قدر بر جوق زمان عقارک منافی ید باطلده هدر اولوب کیتک احتمالی داعی
 اولمقده‌در . بوسیله ملکیتمزده جبراً وتغلباً غصب عقار وازاله ید خصوصی
 یک کثیرالوقوع اولمغه باشلامش وبوندن طولانی بر جوق حقوق ضیاعه
 اوغرامقده بولنش اولدیغندن عادتاً امنیت تملک وتصرفک انسابی استاج ایدن
 اسبابک مهملرندن معدود اولمش و آرتق محافظه مال وملکده نفوذ حکومتدن
 زیاده قدرت شخصیه به استناد ایدله کلدیکندن هر ایکی طرف استعمال قوته
 وبالنتیجه ایقاع جرم وجنایته قدر واریلهرق آسایش مملکت اخلال ایدملکده
 بولمشدر . شو احواله نظراً ملکیت وتصرف دعواسندن مستقل اولهرق ید
 دعواسنک آیرجه رؤیتله ید باطلنک رفعه حکم ایدملک قضیه‌سی اهم مسائلدن
 ایسه‌ده حد ذاتده کیملک ذی الید عد اولنق لازم کله‌جکی مسئله‌سی دخی
 عین درجده حائز اهمیتدر .

اوروپا قوانین مدنیسه‌سنجه ذی الیدلک تعیینندن اجرایی مقتضی اولان

تحقیقات بر حدود ایله مقید اولوب حاکمک حقیقه اطلاق حکمک اساسی تشکیل ایده چکی جهتله اوراده ذی الیدلکک تعییننده مشکلاته تصادف اولمق ماحوظ اولوب احکام اساسیه مدنیه مزده ایسه حکمک اساسی حجج خطیه وینه شخصیه دن عبارت اولدیغنه ویدک بالینه ثبوتی لازم کله چکنه و حال حاضرده کی فساد اخلاق ایجابندن اوله رق شاهد زور تدارکی باخصوص کروه مغلبه ایچون پک سهل الحصول بولنه چغنه مبنی بوباید بر قاعده سالمه اتخاذه ضروری عد اولمشدر ، زیرا محله احکام عدلیه ذی الیدلکک مسئله سنده هر ایکی طرف ایچون اقامه بینه مساعدا اولوب ایکیسیده مستقلاً ذی الید اولدقلرینه اقامه بینه ایتدکری تقدیرده مشترکاً ذی الید اولمی حقنده کی بینه متخالفه ثبوت شرکی متضمن اولهمیه جنی وبرطرفک بینه بیل بر شخصک ودیکر شخصک بر انده ذی الید اوله رق قبولی اضدادک قبولی دیمک اوله جنی بدیهی اولدقدن بشقه مشترکاً ذی الیدلکک حکم حالنده دخی بودعودان مقصود اولان منافع وفوائدک استحصا ایدلامش اوله جنی درکاردر .

بناء علیه دعوی مذ کوره احکام اساسیه مزه توفیق ایدلمش اولمقله برابر ممکن مرتبه تزویراتک اوکی آلمق اوزره ذی الیدلکک طابو سندیه ثبوتی موافق کورلمش ودها طوغریسی طابو سندی یدک دلیل عد اولمشدر .

حجج خطیه اسباب حکمدن اولدینی کی طابو سندی دخی حجج خطیه دن اولدیغنه و ذاتاً دولتجه ویریلان سنداتدن ارمق حبسیله سندات رسمیه جمله سندن بولندیغنه مبنی طابو سندینک حجت ید اولمی احکام اساسیه مزه تمامیه موافق دوشمش وهر ایکی طرفک اقامه بینه ایتمی کی محاذیره دخی مانع بولمشدر . اوروپاده هره قدر قاداترو اصولی موجود ایسه ده ملکیت سنداتنک دولتجه اعطائی اصولی جاری اولوب اموال غیر منقوله سندات خصوصیه ایله تصرف اولنه کلدیکننن ذی الیدلکک مسائلنده حکمک تحقیقاته احتیاجی ظاهر در . انجق مکمزده پک نافع تعاملات ملیه دن اولمق اوزره تصرف سنداتی دولتجه اعطا اولنه کلکده و بو سنداتک صاحبجبری نظر حکومتده متصرفی و ذی الید مشروع و رسمی اوله رق طانمقده بولندقلرندن طابو سنداتنک

دلیل ید عد ارتقائی هم حاملرینک تحافظه حقوقه همده سندتاک وثوق
واعتبارینه کافل اولهرق اموال غیر منقولہ بہ تجساوزاتک اوکی آلتش وهر
کسک امنیت مال وملکی استحصا ایدلشن اولهجنی جہتلہ آزر بر زمانہ
املاکک قیمت اعتباریہ سی دخی پک زیادہ مظهر ترقی اولمی ماملدر .

شوقدرکہ بر زماندنبری دفتر خاقانی اداره لرنبجہ سندتاک اعطاسندہ صحت
معاملہ لایقی وجہ ایلہ کوزہ دلدیکندن مختلف اشخاص الدہ مختلف طابو
سندی بولنق دخی احتمالی موجود اولمغلہ بو تقدیرده حاکمک هانکی سندی
اساس حکم اتخاذ ایدہجکی کیفیتی آریبجہ بادی تأملدر . انجق بوصورث ایکی
تقدیردن خالی اولهمیوب سندت مذکورہ یا حصص معینہ دائرہ سندہ شرکت
تصرفی متضمن اولهجنفہ وبرنجی تقدیرده سندت مذکورہ وجہ ایلہ مشترکا
ذی الیدلک حکم اولنق وایکنجی تقدیرده ایسہ باطرفین عینی شخصدن ویا
اشخاص مختلفہ دن ویا بری دیگرندن تلقی ملک ایتش بولنہ جقاربہ کورہ عینی
شخصدن ویا اشخاص مختلفہ دن تلقی ملک ایلمش اولدقاری حالده طابوسی
مقدم اولان دهہا قدیم اولهرق تلقی ملک ایتش بولنہ جقندن ذی الیدلک اکا
بری دیگرندن تلقی ملک ایتش اولدقاری حالده طابوسی مقدم اولان طرف
دیگرینہ فراغ ملک ایتش دیمک اوله جقندن ذی الیدلک طابوسی مؤخر اولانہ
حکم ایدلک وهر ایکی طرف سند ابراز ایدہ مدکلری حالده اول وقت بالضرورہ
استماع بینہ ایلہ دعوا یہ تقدم ایدن سنہ ظرفده الہ جوق بلا مانع ولامعارض
عقاری یدندہ بولندیران شخصک یدینہ حکم اولنق قاعدہ سی قبول اولنمش
وذا نا اعادہ ید دعواسی آریبجہ محکمہ عائدہ سندہ ملکیت و تصرف دعواسک
اقامہ سنہ مانع اوله میہ جقندن دیگر طرف کندی سندینک وثوقہ ویا اسباب
سائرہ قانونیہ اعتباریلہ حقوق ملکیت و تصرفک وجودینہ قانع اولدینی
تقدیرده صلاحیتدار اولان محکمہ یہ مراجعتلہ اقامہ دعوا واستحصا حق ایدہ
بیلمسی طریقک کشادہ بر اقلہ سبلہ سندتاک تعارضندن حصولی ملحوظ اولان
محاذیر حقوقہ دخی بر طرف ایدلشددر .

والحاصل صلح حاکمکری طرفندن رؤیت ایدیلہ جک دعاویدہ اتخاذ اولنہ جق

حکم و قرار ملکیت مزجه بك افغ بر تجمددى متضمن اولمغه بوندن ثمرات مفیده اقطاع
ایدیله بیلمسی مأمولدر .

برده عین فصلده بر مسئله مهمهدها موضوع موقع تدقیق اولمشدر که اوده
صلح حاکمارینک دائره قضاسنده کلوب کچن اشخاص طرفندن ایقاعی محتمل
اولان ضرر و خساره متعلق دعاویدر . بومثللو احوالده متضررک محافظه حقوقی
بك سریع معاملهیه متوقف اولوب فی بومنا هذا قضا مرکز لرنده کی محاکمه مراجعت
وقوعبولنجیه قدر ایقاع ضرر ایدنلر کچوب کیتمکده و اقامتکاهک مجهولیتی
حسیله دعاوی واقعهدن بر نتیجه حاصل اولمه مقده بولندیغندن اکثریا متضرر
اولانلر بالفعل استیفای ضرره قیام ایدهرک بوندن دخی وقایع فجیعه ظهوری
نادر بولنمه مقده اولدیغنه و صلح حاکماری دخی بر ناحیهده متبادیاً اقامت ایدمهیه
چکندن غیوبتی زماننده بویله بر حال وقوعده سابقندن فرقی بر نتیجه حاصل
اولمهیه جفته مبنی ملکیتده انضباطک محافظه سیله حقوق افرادک تأمیننه خادم
وسائطدن اولمق اوزره صلح حاکمارینک غیابنده بومثللو وقایع ظهورنده متضررک
مراجعته برابر هان ناحیه مدیری طرفندن حجز معاملهسی اجرا و ضبط
دعوی تنظیم اولنهرق طرفینک حضور حاکمه سوق ایدلمسی اصولی قبول اولمشدر .
بر مصالحت قرار قطعی ایله حسم اولندقدن صکره محکوم لهیدینه سرایا جریان
محاکمهینی متضمن اعلامی یوقسه نتیجه محاکمهینی تضمن ایدن فقره حکمییه
ویرملک لازم کله چکی مسئلهسی دخی بر مسئله اساسیهدر . بو نقطهده ایکی حال
جالب نظر اولوب اوده صلح محکمه لری معاملاتنک هر حالده ساده لشدیرلمسی و
دیگری ده محکمه تمیز تدقیقاتنک تسهیل ایدلسیدر . صلح محکمه لرنده دعوی
ودفع دعوی ضبطلری یکدیگرکندن آیری و مستقل و طرفینک امضاسنی محتوی
اولهرق دوسیه میاننده بولنه جفته و انحق حضور حاکمه جریان ایده چک
محاکمه طویله جق ضبط شهودک شهادتندن و یا رانه ایدیه چک اوراق ثبوتیه
مندرجاتندن عبارت اولهرق اوده آریخیه بر ضبط صورتنده دوسیهده محفوظ
بولنه جفته و حکمک اعطاسیله برابر بودوسیه طوغریخیه محکمه تمیزه ارسال
اولنهرق اوراده نومرو تحتنده صلح محکمه لری اوراق قلمنده حفظ ایدیه چکنه

نظراً محکمه تمیز بوضبط‌الردن بک سهولتله تدقیقات تمیز به بی ایفا ایده‌جکی درکار اولمغله بونقطه نظرندن سراپا محاکمینی متضمن بر اعلام تنظیمنه احتیاج اولمدینی کبی بالعکس بویولده اعلام تنظیمی تدقیق مسئله‌ینی تصعب ایده‌جکی و صلح حااکمرینک معاملات قلمیه‌سنی تکثیر و تزید صورتیله‌ده مطلوب اولان ساده‌لکی اخلال ایلیه‌جکی اکلاشمغله یالکیز فقره حکیمه‌نک اعلام طرزنده محکوم له اعطاسی مناسب کورلمش و بو صورت بالجمله ملل متعده محاکم عمومیه‌سنده دخی قبول ایدلمش بر کیفیت اولمغله ایلروده اصول محاکمه‌نک اصلاح و تعدیلنده محاکم سائر به تطبیقی دخی جمله تصور اتدن بولنشدر .

بوفصلده اصولک بر مسئله مهمه دخی صاحب حااکماری اعلاماتنک محکمه تمیزجه نه کبی نقطه‌لردن قابل نقض اولمسی کیفیتدر . حااکمک وظیفه و صلاحیتنی تخطی ایتسی و اساس حکمک قانونه مخالف بولنسی نقض حکمی بالطبع مستلزم اوله‌جنی درکار اولوب شوقدرکه شکل مسئله‌سندن عبارت اولان اصول محاکمه‌جه وقوع بوله‌حق بعض نواقص و خطیات طرفینک حقوقه اصلا ایرات مضرت ایتمه‌سی دخی ملحوظ بولندیغنه و هیچ کیمسه‌نک حقوقه مؤثر اولیان خطیات حکامدن طولانی‌اعلامک نقضیه بالعکس حقوق طرفینک خالدار ایدلمسی موافق اوله‌می‌جغه و مع هذا بونواقص و خطیاتک اغراض ایدلمسی دخی حکام اینجون اصول محاکمه‌جه عدم مراعاتی و شکل قانون اعتباریه لاقیدلکی موجب اوله‌جغه مبنی هرایکی محدوره محل قالماق اوزره اصلاح محاکمه‌یه عدم رعایت ابطال حق موجب اولدینی تقدیرده اعلامک نقض ایدلمسی و فقط عدم رعایت قضیه‌سی ابطال حق مؤدی اولمدینی تقدیرده اعلامک نقض اولنمیوب انحق محکمه تمیز اعلامنده کیفیتک تصریح ایدلمسی اصول اتخاذ اولنش و بوضورتله حکامک شکل قانونی به رعایتسز لکده‌کی ترداد حاصل اوله‌حق معاملات انتباهیه بر اساس صحیح احضار ایدلمشدر .

قانون مذکورک دردنجی قضائی تشکیل ایدن حکم غایبی بختده اصول محاکمات اساسیه‌دن فرقی یالکیز بر مسئله واردرکه اوده مدعینک یوم محاکمه‌ده اثبات وجود ایتمه‌سی حالنده دعواسنک رد اولنمیدر . فی الحقیقه اصول

محاکات حقوقیه مدعینك يوم محاكمه اثبات وجود ایتمه سی حق محاكمك موقه سقوطی مستلزم اونوب مرور زمان حدینه بالغ اولجه قدر هر نه وقت ایسترسه یکیدن اقامه دعوی صلاحیتی موجود ایسه ده محاکم نظامیه اقامه دعوی بر جوق خرج و مصرف اعطاسی اقتضا ایستیکی جهتله بر کره اومصرفی اختیار ایتش اولان شخصك دعوائی تعقیبدن قولایقله صرف نظر ایتیه جکی و مصارفك بیهوده هدر اومسنه رضا ویره میه جکی بدیهی و یوم محاكمه اثبات وجود ایدمه سی بهمه حال بر معذرتدن و یادعوائی غائب ایده جکینه بالاخره حصول قناعتدن منبعث اوله جفی طبیعی اولدیفنه کوره ایکنجی دفعه یکیدن خرج و مصرف اعطاسیه تعقیب دعوا ده بر محذور مطالعه اولنه مازسه ده صالح محکمه لنده رؤیت اولنه جق دعاویدن ابتداء بر کونه خرج و مصرف استیفا اولنیه جغندن یوم محاكمه مدعینك اثبات وجود ایتمه سی حالنده حقوقه تأثیر ایده جك بر کونا معاملیه تابع اولمدیفنی تقدیرده مدعی علیه اختیار زحمت و مشقته و بلکه ده اختیار کفله حضور حاکمه کلسنه مقابل حقوقدن هیچ بر شیء غائب ایتیمان مدعینك تعقیب محاكمه لا قیدلکنی موجب اوله جفی و هر نه وقت حق محاكمه دن موقه اسقاط ایدلسه فردای قرارده یکیدن حاکمه مراجعته اقامه دعوا یه مقتدر اولمق حسبیلله تکرار مدعی علیه جلب و دعوت ایتدیرمك کلفتی تحمیل ایده بیله جکی و بوسورتك الی نهایت تکرری معاملات محکمه نك ملعبه حالته کلسنی و مدعی علیه متوالیاً دعوتی کبی هیچ بر حدود و قیود ایله غیر محدود کلفت و زحمته معروض اولسنی منتج اوله جفی جهتله بوکامحل قالماق اوزره کلفت نعمته کوره اولمق قاعده سنه توفیقاً ابتدای دعوا ده خرج و رسوم آنلسنه مقابل مدعینك يوم محاكمه اثبات وجود ایتمه سی دعوا سنك ردنی موجب اوله جفی قاعده سنك قبولی انتاج ایلمش و شو قدرکه غیباً صادر اولان اشبورار علیه یالکیز بر کره ایچون حق اعتراضی استعمال ایده بیلمك صورتیه یکیدن تعقیب دعوی ایده بیلمسنه محل امکان بر اقلمشدر .

بومیانده برده رد حاکمی موجب اوله جق اسبابك وجودی حالنده بونك صورت اقامه سی مسئله سی واردرکه حاکمك کندی علیهنده درمیان اولنان

مسئله دخی حکم اجمعی قواعد اساسیه قانونیه به موافق دوشمیه جکشدن بوکمی ادعایک قضا بدایت محکمه لرینه اعطایی و حاکمه تبلیغیه آله جق جوابه کوره مدعی عمومینک دخی مطالعه تحریریه سی استماع اوله رقی اوراق اوزرینه قرار ویرلمه سی وردحا کم مسئله سی مدافعات ابتدائیه دن اولغله مدعی طرفندن دعوایه ومدعی علیه طرفندن محاکمه به مباشرتدن اول درمیان ایدلمی اصول اتخاذ اولنش وردحا کم ادعای قبول اولندیغی حالده قضا محکمه سی اعضاسندن بری و بونلر اهلیت مطلوبه بی جامع اولمدقاری حالده بالذات رئیس محکمه ناحیه به عزیمت ورؤیت دعوایه مکلف طوتمشدرد .

بشنجی فصل مواد جزائیه نک صورت محاکمه سنه متعلق اوله رقی بونده طرفینک وشاهدلرک جلب ودعوتی و صورت استجوابلری اعتباریه دعوی حقوقیه ایچون یوقاروده تمهیدایدبلان عین قواعد قبول اولنش و آنجق ناحیه مدیری صالح حاکمی نزدنده مدعی عمومیلک وظیفه سیله مکلف قبلوب آنک طلیله دخی رؤیت دعوایه مأذونیت ویرلمش اولدینی کی صالح حاکمک ناحیه ده بولندیغی زمانلرده متضررک ناحیه مدیرینه مراجعتله شکایتنامه سی ضبط ایتدیره بیلمسی و مدیر طرفندن مظنون علیک دخی استجوابی اجرا قلمسی و صالح حاکمک رؤیت صلاحیتدار اولدینی سرقت جرمارندن بری ارتکاب ایدلمش اولدینی حالده محاکمه به باشلا نتیجه قدر مظنون علیک مدیر طرفندن موقه توقیف ایدیله بیلمسی و فقط مظنون علیه اقامتگاه صاحبی اولدینی و کفالت ویا تأمینات اعطا قلدینی حالده تخلیه سیلینک اجرا ایدلمسی و کفالتک ناحیه مجلس نتیجه تقدیر اولنسی و آثار جرمی میدان اخراج ایچون مدیرک تحریات مقتضیه بی ایفایه صالح اولمسی و جنجه ماده لرنده صالح حاکملری طرفندن صادر اولان مقرراتک قضا بدایت محکمه لرنده استیناف ایدیله بیلمسی اصول اتخاذ اولنش و بوضورتله ناحیه مدیرلرینک ذاتاً مکلف اولدقاری ضابطه عدلیه وظیفه سی ده مضبوط و اساسی بر صورتده تعیین ایدلمشدر .

لایحه مبحوثه نک الک مهم اقسامندن بری ده حکمک اجرا سنه عائد اولان فصلدر . فی الحقیقه برمحکمه دن صادر اولان حکم نه مرتبه سریع و محق اوله رقی

صدر ایدرسه ایتمسون اجرایی تأمین ایدلمدیکه حکمدن بر فائده تحصیل ایتیمه چکی جهتله محاکماتک و بوکا متعلق اولان بالجله مراسم و معاملاتک روح و هدفی حقوق ثابت و محکومه نیک استیفاسندن عبارت اوله رق بوده حکمک تنفیذینه وابسته بولندیغه مبنی صالح محکمه لرندن صادر اولان اعلاماتک صورت سریمه و سالمده اجرا و تنفیذی مسئله سی خلیجه بحث و مناظره بی موجب اولمشدر .

اعلامات مذکوره نیک امر تنفیذی قضا بدایت محکمه سی رؤسایسه تودیع اولندیغی تقدیرده بعد مسافه دن ناشی یک چوق مشکلات و تأخراتی داعی اوله جنی و بلدکده بو سببله تأسیسات حاضرده دن مقصود اولان منافع مادیه و معنویه نیک انسانی انتاج ایده چکی ملاحظه قلمش اولمغه بوندن صرف نظر ایدلمک مجبوری حاصل اولدیغی کبی اجرا و تنفیذ خصوصنیک صالح حاکمارینه تودیغی دخی حاکماتک سیار اولمسی حبیلله بر ناحیه ویا بر مرکزده مستمراً اقامتلی ممکن اوله میه جفتدن و اجرا معامله سی ایسه بر طاقم معاملات متسلسله متعاقبه دن عبارت اوله رق متوالیاً تعقیبی ایجاب ایتیمه مبنی بوضورت دخی قطعاً موافق کوروله میوب اجرا و تنفیذ خصوصنیک ناحیه مدیرلرینه تودیغه ضرورت حاصل اولمشدر . شوقدرکه ناحیه مدیرلرینیک مکلف طوتدقلری اجرا معاملاتنیک سلامت جریاننی تأمین ایده چک هر درلو قیود قانونیه نظر دفته آلدیغی کبی محکوم علیه ک بتون بتون بیوایه و محروم بر اقله می مطالعه انسانیت پروریسه حجز و بیعی جائز اولمیان مواد و اشیا تمامیه تصریح ایدیلرک سوء استعمالانه سد چکلمش و اموال محجوزه نیک صورت بیع و فروختی و ائماننیک طرز توزیع و تقسیم قواعده متینه به ربط ایدلمشدر . مع مافیه صانلمقده اولان امواله متعلق بر دعوا ظهورنده طرفین حضور حاکمه سوق ایدلمک صورتیه مدیرک دائره صلاحیتی تحدید ایدلدیکی کبی اموال غیر منقوله نیک فروختی کیفیتی نظامات مخصوصه سنه تابع مسائل مهمه دن اولمغه بو خصوص بتون بتون ناحیه مدیرلرینیک صلاحیتدن خارج بر ایلوب کافی السابق قضا بدایت محکمه لری رؤسانیک دائره صلاحیتدن خارج

براقبلوب کافی السابق قضا بدایت محکمہ لری رؤسائیک دائرۂ صلاحیتہ ترک
ایدلمشدر . صلح حاکمرینک رؤیتہ مکلف اولدینی جزا دعوالری اعلاماتہ
کلنجہ اعلامات مذکورہ نک قباحتہ متعلق اولانلری اہمیتدن عاری و ذاتاً غیر
قابل استیناف و قطعی اولدقلرندن بونلرک اجراسی دخی ناحیہ مدیرلرینہ تودیع
اولنوب انجق چنجہ اعلاماتی ذاتاً قضا بدایت محکمہ لرنده قابل استیناف
اولدقنہ و اعلامات مذکورہ اولدقنہ مهم مجازاتی محتوی بولنہ جقنہ مبنی بونلرک
اجراسی قضا بدایت محکمہ لری مدعی' عمومیلرینہ تخصیص قلمشدر .

تشکیلات حاضرہ اعتباریلہ ناحیہ مدیرلرینک وظائفی اولدقنہ توسیع
ایدلمش اولوب بونلر دعاوی' جزائیہ دہ صلح حاکملری نزدندہ مدعی' عمومیک
وظیفہ سیلہ مکلف اولہ جقاری کبی بالجلہ اوراق عدلیہ نک طرفینہ و شاهدلرہ
تبلیغہ دخی واسطہ قلمشدر و معاملات اجرائیہ دہ حق تنفیذہ مالک اولمشدر
ایسہ دہ وظیفہ لرینک الک مهمی اولان معاملات اجرائیہ پک زیادہ قیود مضبوطہ
تحتہ آلمش اولدینی کبی خصوصات سائرہ دخی صرف بر واسطۂ تبلیغ
اولمقدن و مراسم ظاہرۂ قانونیہ دن عبارت بولمش اولدینی جہتلہ بر کونہ
یولسزلق و وقوعہ محل و امکان تصور ایدلمہ مشدر .

لایحۂ مذکورہ نک فصل اخیرینک موضوعی بیوک شہرلردہ تأسیسہ لزوم
کوربان صلح حاکمرینہ متعلق اولوب بوندہ ایشلری کثیر اوزن محکمہ لرک
تہوین و تخفیف مشاغل و معاملات و دعاوی' جزائیہ ایچون رفع تکلفات
ایلہ سرعت و سہولت نظر دقتہ آلمش اولمغلہ کرک حاکملرک صلاحیتی و کرک
امر محاکمہ نک صورت اجراسی مسائلی یوقرودہ تمہید ایدیلاں قضا صلح
محکمہ لرینک عینی اولہرق قبول ایدلمش و انجق نواحیدہ ناحیہ مدیرلرینک
حائز اولدینی وظیفۂ تبلیغ و اجرا شہر صاح حاکمرینک ثابت و مستقر اولسی
حسیلہ بالذات حاکمرہ تودیع اولمشدر . بردہ منتظماً دعوی و کیللری جمعی
متشکل اولان محللردہ طرفیندن بری وکیل اقامہ ایلدیکی تقدیردہ دیکرینک
دخی وقوف قانونیجہ مساواتی تأمین ایچون جمعیت مذکورہ دہ بر وکیل
اعزامنی طلبہ صلاحیتی قبول ایدیلاہرک حقوی طرفینہ عینی درجہ دہ رعایت
ودقت اولنسی توثیق ایدلمشدر .

والخاص اشبو تشکیلاتدن حصول بوله حق فوائد ماده اهالی قرانك دعاوی جزائیة ایچون مسافات بعددهن مرکز قضایه عزیمته مجبور اولمقسنین ایشارینك کوريله بیلمسی وعدالتی کلفتسزجه میانلرنده بوله جقلری ایچون قضا مرکز لرینه کیدوب کلکدن غائب ایده جکلری زمانك و مرکز لرده معطل قالدقلری وقت ایچون صرف ایده جکلری نقدك اقتصاد ایدلمسی و بدایت محکمه لرنده اقامه دعوی ضمنتده اوغرائیله جق کلفت و مصرفدن قورتولسی و صلح محکمه لرنده رؤیت دعوانك شکل و اصولی غایت ساده و بسیط اوله رق وضع ایدلرینکدن اصول محاکمه جه تمید دعوائی انتاج ایدن مراسم و قواعد قانونیه دن آزاده اوله رق دعوالرك سرعتله انتاج ایدیله بیلمسی و طریق استینافك مسدودی حسیله استحصال ایدیله جك حکمك اجرای موقته تابع اوله رق بر آن اول حقه ظفریاب اولتمسی و بك جزئی دعوالر ایچون بیله طریق احقاقك کشاده بولندیگی کورولرک ضیاع حقوقه میدان قالماسی خصوصاً لر اولوب فوائد معنویه سی دخی حقوق افراده واقع اوله جق اك اوفق بر تعرضك و احکام قانونیه جه جزئی بر مخالفتك منع و زجرینه کافی بر قوه عدلیه شامله موجود اولدیغی تیقن ایدلك صورتيله اجراآت حکومت و امنیت حصولی و هر كسك كندی حقته راضی اولمسيله قوانین دولته رعایتك تأمیندر .

قانون مذکورك حقوق افراده متعلق اولان احکامی حقوق مذکوردهك سرعت و سهولت استحصالندن عبارت اولغله مقتدر حاکم و واسطه سيله بونك حسن تطبیق حالنده بك مفید نتیجه لر الده ایدیله جکی و رفاهیت عمومی نی تأمینه کافی اوله جنی قویاً مأمولدر .

بناء علیه لایحه مذکوردهك موقع تطبیقه وضعی حالنده مملکتك اك مظلم و اك محتاج عدالت اولان کوشه لرینه قدرحق وعدالت فکری نفوذ ایدرهك هرکس مال و ملکندن امین و تعرض و تجاوزدن مصون اوله رق یاشایه جنی و بو صورتله عمومك رفاء و سعادتق تأمین ایدلمش اوله جنی طبیعی بولمقله بونك قوه عالیة تشریعه جه بر آن اول نظر تدقیقندن امرار ایتدیریلرهك شکل قانونیق اکتساب ایتدیرلمسی لازمه خالندن کورلمشدر اولبايده .